

8703.

OBSERVATIONUM

IN

T H U C Y D I D E M

FASCICULUM I

PUBLICO EXAMINI SUBMITTIT

AC

NOMINE

RECTORIS ET PROFESSORUM

ORATIONES

*IN REGIO GYMNASIO ILLUSTR*

DIE XXVI. SEPTEMBRIS

HABENDAS

RITE INDICIT

CHRISTIAN. NATHANAEL OSIANDER

Ph. D. eloqu. litt. hum. et hist. professor P. O.

MDCCGXXVII.

---

STUTTGARTIAE,

EX TYPOGRAPHIA FRATRUM MENTLERIORUM,

Typ. Aul. et Cancell.

1114 I



§. 1. Thucydides, qui, Cicerone recte judicante, ita creber est rerum frequentia, ut verborum prope numerum rerum sententia consequatur, ita verbis aptus et pressus, ut nescias, utrum res oratione, an verba sententiis illustrentur, mirum non est, quod varias expertus sit interpretationes. Spicilegio igitur post virorum doctissimorum curas in obscurioribus ejus capitibus enucleandis locum fore, si contendimus, veniam inventuri nobis videmur. Cum vero in scriptore gravissimo vernacula lingua reddendo operam nostram collocare aggressi simus: haud alienum ab ista proviucia suscepta duximus, tum de indole clarissimi rerum auctoris, tum de locis dubiis, in quibus enarrandis superiores interpretes hæserunt, aut parum apte versati esse videntur, paucula disputare.

§. 2. Cum inter omnes constet, Thucydidem brevitate laborare, quæ in obscuritatem passim abeat, eundemque, dum altius insurgat, ab asperitate nonnumquam parum abhorrere, quæ quidem in casuum temporumve permutatione, ac inusitatiore vocum structura posita sit: quærere licet, quomodo fieri potuerit, ut scriptor Periclis æqualis, qui in ipso literarum Atticarum flore ætatem degerit, ad abstrusum illud et asperius dicendi genus passim delaberetur? Quod quidem tum ex singulari viri indole, et disciplinæ, qua usus est, habitu, deinde ex temporum rationibus, et historiæ

conscribendæ, quem sequi debuit, modo satis explicari posse arbitramur.

§. 3. Vir cordatus amplissimo et profundissimo valebat ingenio, quod, cum ad opus elaborandum animum adplicuisset, diuturna et diligenti meditatione ac longa experientia exercitum ingentem supeditabat scribendi materiam: tanta igitur rerum et sententiarum affluebat copia, ut sollicitus quasi, ne quid ex cogitatis sibi exideret, quam brevissimis verbis singula comprehendere studeret, ideoque parum curæ elocutioni impenderet.

Deinde ex ætate ejus, et institutione, qua gavisus esse perhibetur, ac ex sentiendi ratione, quam clarissimi quidam ex popularibus viri sequebantur, intelligere licet, quamobrem hoc potissimum dicendi genus elegerit Thucydides. Socrate duobus circiter annis major, iisdem haud dubie usus est magistris, ex quorum ore et scriptis feracissimo Socratis ingenio meditationis igniculi sunt injecti. Audivit, teste *Marcellino*, Anaxagoram philosophum; cujus ex disciplina superstitionis vulgaris despicientiam, qua ab Herodoto potissimum discrepat, hausisse videtur: qua de re conferas velim *Plutarchum* in *Pericle*, cap. sexto. Lacessit quidem illud *Marcellini* testimonium *Tzetza* (in fragmento cod. Pal.) ea usus ratione, quod Euripides quoque Anaxagoræ discipulus fuisse perhibeatur. Sed temere ista *Marcellino* obijciuntur. Euripidem enim anno 480 ante Chr. nat. in lucem editum esse, Thucydidem vero decennio post natum esse, vulgo sumitur. Quidni igitur ejusdem magistri scholas frequentare potuerint, vix intelligitur. Eundem illum Anaxagoram inter Socratis magistros a nonnullis enumerari, autor est *Diogenes Laërtius*. Uterque porro Prodicum Ceum Sophistam cognovisse dicitur: cujus argutum et subtile dicendi genus Thucydides imitatus



esse, *Marcellino* videtur. Deinde Antiphontis rhetoris institutione usus est, de quo memorabile extat Thucydidis testimonium libro VIII c. 68: *πρῶτος ἐδιδυμήθηαι γινόμενος καὶ ἡ γνώμη εἶπεν*. Cum igitur Socratis æqualis Thucydides fuerit; idemque cum Socrate et Socratis in nonnullis sententiis e. g. de Pericle (conf. *Thucyd.* II. 65 cum *Aeschine* dialog. I. 1. 2. et *Xenophonte* in *Memorab.* III. s. 1.) et de Aleibiade (conf. *Thucyd.* VI. 15 cum *Xenophonte* ibid. 1, 2, 24, 25.) egregie consentiat: verisimile est, eum, quo erat ingenio veritatis studiosissimo, de Sophistis, qui *τὸν ἥττω λόγον* neglecta veritate *κρίττω ποιῶν* studebant, inque ejusmodi artibus mirum quantum sibi placebant, ideoque mero verborum tinnitui nimium tribuebant, idem, quod Socratem, statuisse, et cavillationes, quibus hic Sophistas insectabatur, et compertas habuisse et probasse. Quamquam igitur antitheta, quorum ope Sophistæ quoque concinnitate aliqua orationem exornare gestiebant, non omnino est adspernatus; tamen effusam istam dicendi copiam, qua Sophistæ sese jactabant, tantum aberat ut sectaretur, ut contrario loquendi genere, quod densa illa brevitate conspicuum est, unice et ultra modum delectaretur.

Præterea in exigendo Thucydidis stylo id non omittendum est, quod historiæ attice scribendæ auctor ille princeps extitit, neque alienis insistere potuit vestigiis, sed viam ipse sibi sternere debuit.

Accedit, quod Thucydides inchoatum duntaxat, neque vero absolutum opus videtur reliquisse, quod, si vita suppetiisset, aut si vigentiore ætate copia fuisset, aut primam ejus telam pertexendi, aut opus universum elidandi; multis in locis verborum delectu eorumque comprehensione nisi forte ornatus, saltem castigatus haud dubie posteris fuisset proditurus. At cum jam quadragenarius belli initia vidisset, ejusdemque gerendi ipse particeps, finem adeo

ætate sua complexus sit; (confer. *Thucyd.* V. 26. *Dionys. Halic.* ed. Sylburg II. p. 157.) dubium vix est, eum circa quinquagesimum demum ætatis annum ad scribendam historiam animum appulisse. Sunt adeo, qui eum sexaginta septem demum annos natum ad historiam componendam accessisse autument: (conf. *Poppo* in prolegom. ad ed. *Thucyd.* 1821. p. 1. vol. 1. p. 30) quod quidem verum esse, eo tantum sensu concesserim, si materiam ab autore summa cum diligentia paulatim congestam et in exilio passim exaratam, post reditum in patriam in justum ordinem redactam sumas: ita ut ultimam quasi manum operi senex admoveere aggressus sit. Facile igitur intelligas, unde fiat, ut juvenili orationis vigore, et vivido imaginum colore raro opus niteat: virilem contra, imo senilem maturitatem omnia sapiant: lepidos nimirum sermonis fucos atque cincinnos vir ætate proventus captare non sustinebat, quippe cui persuasum esset, ex materiæ ipsius gravitate, ex sententiarum veritate et pondere, denique ex ipsa illa religione ac fide, qua opus suum persequi propositum haberet, optimum huic ornamentum accessurum, et licet istis cultus munditiis ac orationis illecebris destitutum, immortale nibilo secius historiæ monumentum (conf. I. 22) sese conditurum esse,

§. 3. Cum igitur elocutioni eliminandæ et ornandæ parum curæ adhibuisse videretur *Thucydides*; erant, qui id moleste, ut ita dicam, ferrent. Ut *Dionysium Halicarn.* omittam, qui in *Lysia* suo et in singulari libro de operis *Thucydidei* indole data opera Auctoris nostri, quæ perhibet, vitia enumerat, et ultra modum exaggerat: cuius quidem iudicium docte et solerter, ut solet, ventilavit *Creuzer*, in libro: *Die historische Kunst der Griechen*, p. 265 sq. 268 sq.: *Cicero* quoque, mirus ille dicendi artifex, qui ornatum et

copiam ab oratore perfecto, cuius effigiem animo informaverat, non poterat non exigere, iniquius de Thucydide videtur judicare (conferatur orator c. 9. ed. Schüz. III. p. 151.) ubi in perversos Thucydidis imitatores invehitur, qui mutila quædam ac hiantia loquuti, germanos sese putent Thucydidas. Ibi enim contendit, nihil a Nostro transferri posse ad forensem usum et publicum; quippe cuius conciones ita multas habeant obscuras abditasque sententias, vix ut intelligantur: perversum igitur fore, si quis, inventis frugibus, glande vesci velit! In qua sententia ferenda Cicero, sit venia verbo, hallucinatus esse et legem æquitatis migrasse videtur. Ut enim largiamur, perspicue et molliter loquendi exemplum Thucydidem haberi non posse; tamen graviter et ponderose loquentem si quis orator imitatus fuerit, a fine sibi proposito non aberraverit. Cicero in ornatu et numero, quam externam dicendi formam appelles, commendando nimius fuit, neque materiæ, quam par erat, habuit rationem, quippe cuius inveniendæ, in justum ordinem digerendæ, et sententiæ auditori probandæ sane optimus auctor haberi debet Thucydides: qui ingenii humani latebras egregie habuit perspectas, et, popularium superstitione superior, divina humanaque, præsertim honesti justique scientiam et rerum publicarum rationes, cuncta denique probe explorata, argute exposuit. (Videantur velim egregii commentarii: *Vergleichende Bemerkungen über Thucydides und Tacitus von Fr. Roth, Dr. München. 1812. p. 7. et: Zur Geschichte Hellenischer Staats Verfassungen — Bruchstück einer historisch-politischen Einleitung in das Studium des Thucydides von Friedr. Kortiim. Heidelb. 1821. p. 189 sq.*) Quidni igitur ad usum forensem et publicum a tali rerum auctore plurimum proficere poterat orator? Constat etiam, quam ingentem fructum ex



Thucydide iterum iterumque lectitando et penitus imbibendo ceperit Demosthenes.

§ 4. Quemadmodum vero, si qua in re Thucydides peccaverit, cum ab oratore non putide imitandum esse, Ciceroni concedendum est; ita eandem interpreti quoque normam tenendam esse censemus. Suboritur enim jam quæstio, quænam sint partes interpretis historiæ Thucydideæ? Oporteatne obscura verbis obscuris reddere: perplexas vocum comprehensiones itidem perplexe loquendo exprimere: asperitatem auctoris horrido dicendi genere imitari? In hanc sententiam ut descendamus, a nobis impetrare non possumus. Constant etenim et linguæ vernaculæ, quamlibet obsequiosæ et ad formas quascunque induendas proclivi, jura sua, a multis pensi non habita, et leges, quas violare, et indoles sua, quam misere, ut nonnulli solent, detorquere nefas est. Præterea si scriptorem per se salebrosum in aliam linguam transferre aggrediaris, ex huius linguæ indole, novæ vel invito accedent salebræ: et quod græcis auribus forsitan sordebat, id germanicis, si pressius reddideris, novis insuper ex hac lingua, et ex ipsa vertendi difficultate additis vitiis, multo magis etiam horridum videbitur. Sermonis igitur vernaculi genio in reddendo Thucydide eatenus indulgendum esse duximus, ut in iis locis, quæ ex peculiari Græcis loquendi more abhorrentem a nostris auribus conformationem traxerunt, Heilmanno aliisque præeuntibus nimis longas periodos in minores dispesceremus, et aspera dictu mollius exprimeremus, ita tamen, ut, quoad ejus fieri posset, religiose caveremus, ne quid ex sententiis auctoris expungeretur. Hanc normam autorem convertendi probavit *Cicero*: (de optimo genere oratorum c. 5.) ait enim, Aeschinis Demosthenisque orationes inter se contrarias se convertisse, sententiis iisdem, et earum



formis, tanquam figuris: verbis ad romanam consuetudinem aptis: nec verbum pro verbo necesse habuisse reddere, sed genus omnium verborum vimque servavisse: non ea ratum annumerare lectori oportere, sed appendere.

§. 5. Acedimus jam ad officium, quod nobis imposuimus, de dubiis Thucydidis locis nova quædam aut novis argumentis munita proferendi, quæ lucem auctori possint affundere, aut superiores interpretationes, ubi e re id visum fuit, convellendi.

Lib. I. c. 93. *νομίζων το τε χερσιον-καλον ἔσται . . . και αὐτας ταυτικας γεγενημεναι μεγα προφερειν εις το πησαυδαι δυναμιν.* Vox *προφερειν* a Schneidero, Jacobsio in chrestomathia, et plerisque interpretibus explicatur sensu reciproco, cuius exempla desiderantur: quamquam *προκοπτειν* ita usurpatur. Cum igitur active aliâs sumatur: inhærendum ei significationi, quam habet *Hesiodus* (Op. et Dies v. 577) existimo, ita ut reddas: ratus, hunc locum — Piræum — opportunum esse, et ipsis, si rei nauticæ operam dedissent, multum commodi ad augendas opes allaturum esse.

§. 6. l. 95. *προπειχον την γνωμην.* Lectionem septem codicum, *τη γνωμη* *Gottleber* probat, *Jacobs* recepit. Sed cum *Göllero* (ed. Thucyd. Lips. 1826. I. p. 267) et *Porppone* (ed. Thuc. Lips. 1825. II. I. p. 331) aut lectio *την γνωμην* est reponenda: aut interpretatio: *τη γνωμη* voluntati et consiliis Jonum obsecuti sunt, rejicienda: quia, posita hac, Thucydides in *ταυτολαγμια* crimen incurreret, a quo maxime est alienus.

§. 7. II. c. 29. Nymphodorum Abderitanum proxenum ab Atheniensibus constitutum esse narrat, eundemque Athenas arcessitum. *Bredovius* in notis ad *Heilmanni* versionem (*Dritte Auflage, Lemgo* 1823. p. 250) inde colligit, Nymphodorum Athenis sedem fixisse.

Nos contra existimamus, more aliorum proxenorum hunc quoque, transactis, quæ in urbe ipsi perficienda erant, negotiis, in patriam reversum esse, ubi deinceps commodis Atheniensium prospiceret. Cui sententiæ firmandæ hæc inserviant argumenta. Apud Thucydidem III. 2. (collato II. 170) cives quidam Mitylenæi, Atheniensium προξενοὶ his nuntiānt, Mitylenæos defectionem parare. Nequaquam hoc loco verisimile est, hospites illos publicos Athenis commoratos esse; sed in Lesbo insula degebant, ibique factioni Athenis faventi præerant. Teste *Diodoro* (XIII. c. 56.) Nicias Athenis proxeni Syracusanorum partes egerat. *Pollux* (onomasticon II. 4.) προξενους civitatis, ait, eos esse, qui in altera civitate degentes, eidemque adscripti publica negotia prioris civitatis gerant, ut hospitio sine illuc commeantes excipiantur, prospicientes: ac comitia adeundi copiam, et ludos spectandi facultatem ipsis procurantes. *Hesychius*: προξενος, inquit, ὁ ἐν τῇ ἑαυτοῦ (sc. χώρας) ξενίᾳ προϊστάμενος. *Suidas*: προξενοὶ προσάται πόλεων, καὶ φροντιστὰς τεταγμένοι ἐῖς το ὑποδεχέσθαι τὰς ξένας ἐξ ἄλλων πόλεων ἥκοντας. Conferatur etiam *Manso*, qui (*Sparta* I. vol. 1. p. 100) docet, proxenos aliarum civitatum, Sparta aut in agro Laconico degentes eligere, penes reges fuisse.

§. 8 II. 37. εἰς αἰζημίας μιν, λυπηρὰς δὲ τῇ ὀφείῃ ἀχθῆσθαι προστιθέμενος. Desumptus est locus ex longe præstantissima illa Periclis oratione funebri: ibique Spartanorum et Atheniensium leges poenales inter se comparantur. *Bredovius* obscurius et parum apte vertit: noch geldlose Schmerzen verhängend. *Gæller* ita reddit: noch straflose, aber schon dem Auge wehthuende, Schmerzen verhängend: et locum interpretatur de puerorum Spartanorum flagellationibus. At in contextu non de puerorum educatione sermo est, sed de mitioribus Atheniensium legibus, a Spartanorum rigore in coercenda adultor-

rum petulantia alienis. Etenim : πάλιν de puero nominatim accipere vix potest. Hanc igitur vim istis verbis subesse credimus: „nos quidem, Athenienses, multis irrogandis non abstinemus; neque vero supplicia visu molesta exigimus.“ Constat, Athenienses, tum in litibus privatis, tum in publicis, si quis causa cecidisset, eum pecunia sæpius mulctasse: (conf. *Becker Demosthenes II. p. 5—37*) In promptu sunt exempla Miltiadis, Aeschinis rhetoris, aliorumque. Apud Spartanos vero inferiori demum ætate mulctæ poenam invaluisse, verisimile est. (cf. *Manso Sparta I. 1. p. 173.*) Idem vero non pueros tantum, quos tolerandis doloribus adsuefacere vellent, sed adultos quoque poenæ loco virgis cedere solebant: (vid. *Cragius de rep. Lac. IV. c. 10.*) Quare igitur putidum Gællero videatur, si pecuniæ hoc loco injecta sit inentio, nos quidem non intelligimus.

§. 9. II. 39. Καὶ τοὶ ἐν ῥαθυμίᾳ μᾶλλον ἢ πόνων μελετῇ καὶ μὴ μετὰ νόμων το πλείων ἢ τροπῶν αἰδρείας ἰδεοίμεν κινδυνεύειν. . . . *Heilmann* obsolete vertit: *Wir lassen es gemach angehen etc.* *Jacobi* (*Thucyd. übersetzt von Max. Jacobi. Hamburg 1804*): *Und ist es auch wahr, dass wir mehr durch natürlichen Muth, als durch Uebung zu Mühseligkeiten gestärkt, den Gefahren Trotz bieten...* Liqueet, græca parum accurate expressa esse. Propius ad vim textus accessit *Gæller*: *Und doch, wenn wir in leichtem Sinne mehr als mühevoller Vorbereitung und nicht sowohl mit der Geseze als der Denkart Tapferkeit Gefahren bestehen wollten...* Mihi quidem Spartanorum molesta ad bella exercitatio comparari videtur cum commodiore vitæ genere, quod Athenienses sequebantur, ῥαθυμίας διαγοντες, genio indulgentes, nec idcirco nativa quadam fortitudine carentes. Quare ita reddidi: *Und wenn wir es etwa auch vorziehen, lieber aus gemächlicheren LebensVerhältnissen, als aus einer mühseligen Uebungsschule,*



und mit einer Tapferkeit, die nicht sowohl auf den Gesezen, als auf dem Charakter beruht, in den Kampf zu ziehen.... ἐφθυμία non de animi tantum levitate, sed etiam de remissis moribus, quamquam aliàs sensu deteriore usurpatur. (conf. *Diodor.* V. 40. ἐν τοῖς κατ' ἐφθυμίαις ἀνάνδροις βίοντες.)

§. 10. II. 40. Φιλοσοφούμεν αὐτοὺς μὴ λυγροῖς. Hanc vocem *Gottleber*, perstringens recentioris ævi mores, ad fabulas romanenses aut carmina amatoria trahit, quasi sensus foret: Athenienses literis operam darc, neque vero amœnioribus aut mollioribus. Nos vero effectum potius quam genus aliquod literarum artiumve credimus indigitari. Doctrinæ, ait *Thuc.*, Athenienses esse studiosos: neque vero ita, ut hisce studiis emollescant. Hæc quoque eo consilio dicta sunt, ut refutarentur Spartanorum opiniones, qui ὀμνῶσαι haberi gestiebant, (confer. *Aelian.* v. hist. XII. 50 et *Athenceus* XII. ed. Basil. p. 302) et rhetoricen ac philosophiam inter populares exerceri vetabant, (vid. *Manso* l. l. I. 1. p. 167) istis literis traetandis animos rati effeminari. Το φιλοσοφῶν ad disciplinas graviores generatim referendum esse arbitramur, quibus tum rhetorica, tum physica, tum philosophia, strictim sic dicta possunt comprehendì: eodemque fere sensu, quo ab *Isocrate*, (in *Panegy.* c. 13. et in *Busiride* sub fin.) hanc vocem usurpari.

§. 11. II. 40. Καὶ οὗτοι ἡτοὶ κρηόμεν γε, ἢ ἐνθυμιασθεὶς ὁρῶν τὰ πραγματικά. *Jacobi*: Auf solche Weise erlangen wir Fertigkeit in der Beurtheilung und dem Entwurfe jener Angelegenheiten. Sed ὁρῶν, non agilitatem animi, verum recte judicandi facultatem significat. Neque, ἐνθυμιασθεὶς, de consiliis componendis, sed de negotiis publicis juste poudrandis intellectum velim. Voces: κρηόμεν et ἐνθυμιασθεὶς ita sibi opposita esse censeo, ut illa: judicium ore prolatum, hoc vero:



sententiam meditando conceptam sed adhucdum mente reconditam innuat. *Gæller* ita vertit: aut ipsi judicamus, aut post aliorum judicia rectam de rebus sententiam concipimus. Sed *ἡδύμηναι* ii temere dicuntur, qui alienis judiciis obsequuntur, re suo ingenio non ponderata. To *δὲ* et *γὰρ* equidem potius ad omnes omnino cives, et utrumque, rei considerandæ et voce dijudicandæ laborem referre malo: ita ut hoc quoque loco Spartanorum mos cum Atheniensium consuetudine conferatur, et hanc illi præstare doceatur. Libertas enim de re publica sententiam ferendi multo major Athenis, quam Spartæ obtinuisse videtur: cum illa in urbe cuilibet civi in concione prodire integrum esset. Spartæ vero, id quod ex Thucyd. I. 79. 86 colligas, tum reges, tum ephori sententiam in concione dicebant; reliqui aut acclamando, aut in diversas partes abeundo suffragia ferebant (conf. c. 87): raroque ipsi ad causas publicas orandas prodire videntur. Chæreebantur nimirum ingenti illa senectutis verecundia: ideoque vix senatorum alicui contradicere audebant. Magistratum deinde, præsertim ephorum auctoritas apud Spartanos multo major erat, quam apud Athenienses: id quod ex popularis imperii indole facile intelligitur. Quamobrem sensum loci esse opinor: Nos ipsi nostra sponte, neque solo magistratum jussu, aut alienæ sententiæ obsecuti, judicia saltem ferimus, et quid e republica sit, exploramus. Alludere etiam auctor videtur ad tenuem Laconum sortem, quorum exigua pars erat in republica gerenda, vel ad miseram Helotarum conditionem, qui, glebæ adscripti, suspicaci cum diligentia custodiebantur, ne novi quid molirentur, quibusque de publicis negotiis ne hiscere quidem licebat. Innuit igitur orator, melius vel cum infimis Athenarum civibus agi, qui nisi forte in comitiis, saltem in foro aut in porticibus deam-

bulantes de civitate sermones serere solerent.

§. 12. Ibid. Ὁν τοὺς λόγους τοὺς ἰσχυροὺς βλαβερὸν ἔργον ἐστίν. *Heilmann: Wir legen den Grundsatz, nicht dass Ueberlegung der thätigen Ausführung nachtheilig sei.* At λόγους rerum considerationem per se spectatam significari, nobis persuadere non possumus. Orationem ipsam orator innuit, pungens Spartanorum breviloquentiam, et fastidium eloquentiæ. Ipso enim autore teste, iidem ab justa meditatione nequaquam abhorrebant, sed longas tantum orationes detrectabant.

Ibidem. ὁ τοῖς ἄλλοις ἀμαθία μὲν θρασυς, λογισμὸς δὲ ἐκίον φέρει. Cum *Heilmanno* ὁ pro ὅτι, sensu apud *Homerum* sæpius occurrente sumimus. Duplex tamen sese primo obtutu offert interpretatio: altera καὶ ὁ, *nohe*: altera ὅτι: cum, relatum ad διαφερόντως, quam equidem potiolem judico. Durissima vero est Popponis explicatio qui (in observat. criticis in *Thucyd.* Lips. 1815. p. 197) ὁ pro nominativo accipit, et ad ἐκλογιζόμεναι refert: ita, ut, interjecta antithesi — ἀμαθία μὲν θρασύς — subjectum ὁ scil. λογισμὸς repetatur. Quem in sensum verba torquere prorsus non opus est. Ea autem re autor præstare Athenienses, reliquis contendit, quod imperitiā aliās audaciam, deliberatione vero cunctationem gignente, ipsi cum accurata rerum gerendarum ponderatione fortitudinem conjungant.

§. 13. Ibidem. Βεβαιοτερός ὁ δρασὺς τῇ χάριτι. Interpretamur cum *Gællero: Beständiger in der Gesinnung....* neque *Bredovio* adstipulari possumus, qui ita vertit: *Wer die Gefälligkeit erwies, hat den bessern sicherern Stand.* Nimirum τῇ βεβαιωτέρος respondet oppositum: ἀμβλυτέρος. quod nolim cum *Heilmanno* vertere: Blöder: rebus suis minus confisus. Etenim significatio: hebetior sive segnior tum sequentibus, tum usui melius convenit: ἀμβλὺς enim apud *Euripidem*

est: segnis v. c. in cursu. Secundum *Bredovium* autem, ut contrarium contrario responderet, ἀμβλυσ esse deberet: qui externa conditione ancipiti fluctuat; quæ significatio haud scio an exemplis possit confirmari.

§. 14. Ibidem. Μοῦν δὲ τοῦ συμφεροντος πολλον λογισμῳ ἢ τῇ ἐλευθερίας τῷ πιστῷ ἂδεν· τὸν ὠφειλμεν. *Heilmann* vertit: *Wir haben die Gewohnheit, dass wir Andern nicht sowohl aus Betrachtung unseres Nuzens, sondern uns eine edelmüthige Freimüthigkeit zu versichern, Dienste erweisen.* At τῷ πιστῷ solet referri non ad ea, quæ demum firmanda sunt, sed quæ jam certa sunt. Longius deflectit a proximo verborum sensu *Jacobi*: *um uns das Recht zu einer freimüthigen Behandlung zu erwerben.* Nos quidem cum *Valla* et *Gottlebero* ἐλευθερίας pro-ἐλευθερωτήτος positum existimantes, vertimus: liberalitatis fiducia. Sed tum quoque duplex subesse potest sensus: alter, si subintelligas: ἡμῶν; alter, si: ἐκείνων. Nostra liberalitate freti, id est, confisi, beneficiis generose in alios collatis bene nobiscum actum iri. Aliter se res habet, si ἐλευθερίαν clientibus Atheniensium attribuas. Tum quidem sensus foret: soli nos, quid lucri in nos redundaturum sit, non anxie, ἂδεν; computantes, sed confisi, clientes, si quid liberalioris sensus ipsis insit, memores beneficiorum fore, ipsis subvenimus. Proclivorem hunc sensum esse opinantes reddimus: *Wir allein sind es, die andere rücksichtslos unterstützen, nicht sowohl unsern Vortheil berechnend, als ihrem Edelmuthe vertrauend.*

§. 15. II. 42. Καὶ γὰρ τοὶ ἄλλοι χεῖρσι δίκαιον τὴν ἐς τοὺς πλεονεχτοὺς ὑπὲρ τῆς πατριδος ἀνδραγαθίαν προτιθιδαι. *H. Stephanus* (Thes. I. græcæ Tom. III. p. 1509) ita: proponant sibi, fortiter et strenue dimicandum. Sed sermo est de fortitudine jam comprobata, neque vero de ea, quæ



demum expectatur. Scholiastes vocem *προτιθεσθαι* explicat.: *προτιμῶσαι*. *Valla* vertit: primo loco poni, *Heilmann*: *Denn wenn sich auch Jemand sonst schlecht aufgeführt; so verdient doch ein so tapferes Bezeugen im Kriege für das Vaterland vorzüglichen Ruhm. Jacobi*: *Selbst bei schlechteren Menschen ist es billig, ihnen um der im Kriege für das Vaterland bewiesenen Tapferkeit willen einen höhern Platz einzuräumen.* Obstat huic interpretationi dativus: *Τοις χειροσι*. Dici enim debebat: *Τοις χειροσι δικαίον (κατὰ) τὴν ἀνδραγαδίαν προτιθεσθαι*. Quodsi interpreteris: In hominibus aliàs deterioribus fortitudini reliqua omnia, e quibus ipsos aestimare possis, debere posthaberi; satis bene omnia fluere, nisi dativus: *χειροσι* pro: *ἐν χειροσι* offenderet. In mentem igitur nobis venit: *προτιθεσθαι* poni posse eodem sensu, quo *προβαλλεσθαι* τι, sese tueri, e. g. aliquo armorum genere. Vertimus igitur: Vel iis, qui vitiis aliàs non sunt immunes, jure suo licet, fortitudine in bellis comprobata præsidio uti. Quæ si forte viris doctis parum se probaverint: acquiescendum censemus in hac sententia: exempli loco proponere iis licet fortitudinem.

§. 16. ibidem. *Δὲ ἐλαχίστην καιρὸν τύχης ἀμα ἀκμῇ τῆς δοξῆς μᾶλλον ἢ τὸν θένον ἀπηλλαγμένη.* Ad illustrandum locum præclarum quidem, sed difficiliorem diversas interpretandi rationes juvat enumerare. Plurimum refert, quomodo verba distinguas. Possit aliquis opinari, jungenda esse verba: *τύχης ἀμα ἀκμῇ*: ut sensus sit: brevissimo temporis momento in fastigio fortunæ sive felicitatis constituti vita gloriosa potius, quam timore defuncti sunt. Cui interpretationi recte opponas: *δοξῆς ἀπαλλαγμένη* durissime dici pro: *ζωῆς ἐνδοξῆς*: et primo obtutu hanc interpretationem, cum eo, quod oratori propositum est, pugnare: qui nequaquam bello cæsos gloria excidere sed florere, debet profiteri. *Scholiastes, Heilmann, Kistemaker* aliique ita distinguunt:



ἢ ἑλαχίστῳ καιρῷ τυχεῖ, ἀμὰ ἀκμῇ τῆς δόξης μᾶλλον ἢ τοῦ θείου, ἀπὸ ἀλλαγῆσαι: ita, ut vox extrema simpliciter et sine genitivo posita per elegantem et hoc potissimum loco mollissimam λιτὴτητα significet; vita decesserunt. Quare Jacobi vertit: *Sie sind durch einen schnellen Wechsel des Glücks vielmehr auf der höchsten Stufe des Ruhms als der Furcht, aus dem Leben geschieden.* Bredovius autem cum paraphrasi ita explicat: *So durch des Schicksals schnell und leicht gewandte Entscheidung schwanden sie dahin, mehr auf dem Gipfel der sicheren Meinung eines ruhmvollen Sieges, als der slavischen Furcht für ihr Leben.* In hac interpretatione, admodum aliàs probabili, displicent verba: καιρός τυχεῖ ἑλαχίστος, duriuscule sumta pro brevissimo temporis momento, quod fortunæ discrimen afferat. Deinde nec vox ἀμὰ, ab interpretibus pro ἢ sumta satis bene quadrat.

His perpensis novam tentavi interpunctionem: et, commate post καιρῷ, τυχεῖ, et δόξης, posita verba ἀμὰ ἀκμῇ τῆς δόξης, pro inciso accipi, et junxi: τυχεῖ μᾶλλον ἢ τοῦ θείου ἀπὸ ἀλλαγῆσαι. Quare ita reddidi: *in einem kurzen Augenblicke wurden sie, auf dem Gipfel des Ruhmes sich fühlend, (eodem momento quo maximo gloriæ sensu florebant et elati erant) nicht sowohl von der Furcht als von der Macht des Schicksals entbunden.* Cui interpretationi si objicias: verborum ordinem sic turbari, et voces: ἀμὰ ἀκμῇ τῆς δόξης perperam post τυχεῖ inserta existimari: responderim, similes ordinis permutationes sæpius apud Thucydidem occurrere: de quibus conferri velim *Porponem* (I. 1. p. 302). Si porro contendas: articulum τῆς ante τυχεῖ abesse non posse; equidem contra dixerim, articulum in sententiis ab autore ipso passim negligi: deinde in ipsa voce τυχεῖ apud alios quoque sæpe omitti. Sic Plato (de leg. IV.): μετὰ θεοῦ τυχεῖ καὶ καιρὸς τ' ἀνθρώπων.

ἀακυβερνῶσι ζυμπαντα. Favent denique nostræ interpretationi ii Græcorum loci, ubi morte homines a fortunæ arbitrio immunes fieri perhibentur. Accedit ad Nostrum *Lysias* in epitaphio: τον βίον ἐτελευτήσαν, οὐκ ἐπιτρέψαντες περὶ αὐτῶν τῇ τύχῃ. *Demosthenes* in oratione funebri ita: εὐδαιμονες (δὲ) ἐνθάδε κείμενοι, νοσῶν γὰρ ἀπαθεῖς τὰ σώματα, καὶ λυπῶν ἀπείροι τὰς ψυχὰς. In fragmento orationis epitaph. *Hyperidis* apud *Stobæum* (123) hæc leguntur: ἀπηλλαγμένοι εἴσι νοσῶν καὶ λυπῆς, καὶ τῶν ἄλλων τῶν προσκίπτοντων εἰς τὸν ἀνθρώπινον βίον. Addere liceat *Epicteti* verba apud *Stobæum*: Κακὸς μὲν δαίμων σώματος τύχη: τὸν δὲ λυπεῖ φύσις διὰ θανάτου.

§. 17. Subjungimus nonnulla de origine et indole præstantissimæ illius orationis funebris, quam Noster Pericli tribuit. Sumere quidem licet, sermonem hunc parentalem, cui interfuisse Thucydidem verisimile est, ex Periclis ore haustum in historicum hoc opus transferri potuisse. Sed etsi argumenti summam a Pericle mutatus esse videatur Thucydides; tamen in ipsa oratione adornanda suo ingenio haud dubie indulsit. Universus enim orationis tenor Thucydidem sapit: neque credibile est, densas illas et subobscuras sententias, quæ altera alteri quasi instant, ab ipso Pericle, quales hic leguntur, coram concione esse prolatas. Athenienses enim, quamvis alacerrimo et promptissimo præditi ingenio oratorem talia loquentem ægre fuissent assecuti. Memoratu vero dignum est, quod orator, fastiditis fabulis istis, quarum orbem reliquæ orationes Græcorum funebres, ad nostram memoriam transmissæ, *Lysiae*, *Platonis* in Menexeno, *Demosthenis*, cum *Isocratis* Panegyrico ad earum exemplum composito, fusius emetiuntur, meris rebus in facto positis inmoratur, et eam, quam ipse (I. c. 21. 22) sibi præscripsit, normam stricte secutus, ceteros, qui in eodem stadio decurrerunt, sententiarum veritate et gravitate longe post se reliquit. Id vero

orator potissimum egisse censendus est, ut Athenienses bello gravi impliciti ejusque incommoda jam ex parte perpassi, et fœdiora etiam in posterum experturi, animum ne desponderent, sed prisca patriæ et popularium virtute et gloria confirmati in belli laboribus genere tolerandis perseverarent.

§. 18. In explicanda celeberrima illa pestilentia, quæ altero belli anno Athenis grassari cœpit, descriptione præter reliquos interpretes etiam *Grunerum* (*Bibliothek der alten Aerzte. Ipzg. 1782. II. p. 525 sq.*) consulimus, cui auctoris sensum prorsus assequi non semper contigit.

II. 48. ἐλεχθη ὑπ' αὐτῶν, ὡς οἱ πελοποννησιοὶ φαρμακὰ ἐμβαλεῖν εἰς τὰ φρεατὰ καὶ γὰρ ὅπου ἦσαν αὐτοὶ. *Gruner* vitiose vertit: *Es gieng die Rede, als hätten die Peloponnesier Gift in die Brunnen geworfen: und gleichwohl waren damals keine Brunnen da.* φρεατὰ putei, sive cisternæ cum fontibus aquæ fluentis a Grunero confunduntur, qui posteriore demum ætate in Piræo effossi esse videntur. De fontium in Attica raritate conferatur *Plutarchus* in *Solone*, cap. 23. Cæterum vix opus est, monere, καὶ γὰρ significare non posse: *gleichwohl.*

Idem II. 49. ἐν τῇ ὁμοίᾳ καθεύδει το τε πλεον καὶ ἐλαστον ποτον male vertit: *Kiel oder wenig trinken war gleich gefährlich.* Quamobrem potus quilibet fraudem valetudini attulerit, id quod pace medicorum dixerim, non intelligo. Sensus potius est hic: multum an parum biberent, nihil intererat ad sitim restinguendam.

§. 19. II. 50. Γενομενον κρεισσον λογα το ἰδος της ιστα τε τε ἄλλα χαλεπωτερας ἢ κατὰ την ἀνθρωπεινὴν φύσιν προσεπιπτεν ἑκαστῷ, καὶ . . .

*Gruner: Diese Art der Krankheit, die grösser war, als man sich vorstellen kann, und dabei heftiger, als die menschliche Natur, befiel alle Menschen ohne Unterschied.* Reddere debebat in hunc

sensum: Hoc morbi genus, quod omnem orationis modum excedebat, tum, si cætera spectes, gravius, quam pro humanæ naturæ viribus, quemcunque corripere, invadebat, tum...

§. 20. II. 51. ἐν τε ἄδην κατέστη ἰαμα, ὡς ἔπειαν, ὃ τι χρὴν προσφερόντως ὠφελεῖν. *Gruner et Jacobi*, latinam versionem: ut ita dicam, secuti in hunc fere sensum reddunt: *Man hatte, so zu sagen, kein bestimmtes Heilmittel.*

At locutio inusitatio aut proverbialis, cui addi solet: ut ita dicam, nulla hic prostat. Ὡς igitur pro ὥς accipiendum. Certa quædam remedia in promptu non erant ejusmodi, ut affirmare quis posset, cuiusnam usus ægrotis necessario esset profuturus.

§. 21. II. 51. ἔπει καὶ τὰς ὀλοφύσεις τῶν ἀπογινόμενων τελευτῶντες καὶ οἱ οἰκτοὶ ἐξεκαμνον. *Gruner: Weil die Hausgenossen endlich das Wehklagen der Sterbenden nicht mehr achteten. Heilmann: Weil das Winseln und Wehklagen der Sterbenden auf die Lezt auch ihren Hausgenossen unerträglich fiel.* Sed tenendum est, ὀλοφύσεσθαι de complorandis mortuis aut deflendis malis alienis usurpari solere. (confer. *Thucyd.* II. 44. 46. *Lysias* in epitaph. c. 45. 57. 60.) Quare contra reliquorum interpretum opinionem vertimus: Tandem necessarios adeo tædebat, defunctos complorare.

§. 52. Νεκροὶ ἐκ' ἀλλήλοις ἀποδησάμενοι ἐκύντο. *Jacobi* ridicule vertit: *Uebereinander lagen die Leichname der Verstorbenen und der Sterbenden.* Haud dubie auctoris mens est: Alii juxta alios prostrati expirabant: et corpora corporibus superjecta sunt.

§. 22. Ibid. Πολλοὶ ἐξ ἀναίχοντες θήκας ἐτραποντο, σπᾶναι τῶν ἐπιτηδίων. *Latinus* interpres, rerum necessariorum penuria. *Gruner: Viele wählten zu Ersparung der Leichenkosten unerlaubte Begräbniss-Arten. Heilmann et Jacobi: Viele giengen dabei so scham-*



los zu Werk aus Mangel an Zubehör, u. s. w. Equidem το ἐπιτη  
 δεον réor oppositum esse τοις ἀναισχυτοις θηκαι, scil. alienis non sine  
 impudentia violandis sepulcris: gentilicia igitur sepulcra, intelligo,  
 non suffecisse, cadaveribus jamjam repleta: quamobrem illos, ritu  
 sacro posthabito in aliena invasisse.

§: 23. Το μιν προταλαιπωρεν τῷ δοξᾷ καλῷ ὄνδαι προθυμῶς ἦν. *Gruner:*  
*Niemand war Willens, sich auf eine anständige Art Etwas zu*  
*erwerben. Heilmann: Niemand fand sich geneigt, bey rühmlichen*  
*Gesinnungen im Elend zu leben.* Uterque scriptoris verba non  
 congrue expressit. Aptius vim verborum assecuti sunt *Valla et*  
*Jacobi:* Labores tolerare rei causa, quæ honesta videretur, sive  
 probitatis causa molestiæ aliquid suscipere, neminem non pigebat.

Ibidem Ὁ τι δὲ ἤδη τε ἡδὺ καὶ πανταχοῦθεν το ἐς αὐτο κερδαλεόν, τούτο καὶ καλόν  
 καὶ χρησιμὸν κατεστῆ. Cum plurimi codd. ἐς αὐτο habeant, quare *Poppo*  
 ἐς αὐτον in textum receperit, vix intelligimus: commodè enim ita  
 possumus interpretari ἐς αὐτο scil. το ἡδὺ κερδαλεόν, id quod voluptati  
 opitulatur, et præsidia parat.

Verum hic subsistimus, officii partes obituri, cuius causa hæ  
 schedulæ in medium prodeunt. Nostrum enim est, nomina juvenum  
 recensere, qui cursu gymnastico cum laude peracto doctrinæ et  
 eloquentiæ specimina publice sunt edituri.

*Albertus Bardili*, Schafhusanus, Theol. stud. de bellorum  
 intestinorum causis et eventibus germanice loquetur.

*Joannes Carolus Fischer*, Gaildorfensis, Theol. stud. de  
 causis belli peloponnesiaci ebraice disputabit.

*Carolus Henricus Krauss*, Stuttgartianus, Theol. stud. de  
 Pericle græcè disseret.

*Julius Ferdinandus Carolus Eberhardus Huber*, Ess-

lingensis, Theol. stud. de priore belli istius ætate latinam habebit orationem.

*Carolus Lehr*, Stuttgartianus, juris stud. de posterioribus belli temporibus gallice disseret.

*Fridericus Guilielmus Paulus Aemilius de Maucler*, Stuttgartianus, Jur. stud., de Atheniensium durante bello Peloponnesiaco calamitatibus gallice loquetur.

*Carolus Conradus Sigismundus Gross*, Stuttgart., Jur. stud. Alcibiadis mores et gesta gallice describet. Denique

*Rudolphus Franciscus Immanuel Binder*, Leutkirchensis, Theol. stud. de belli exitu et rebus inde consecutis germanice perorabit.

---



